



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Præstantia Gratiae Dei & Felicitate Hominis eâ donati Considerationes XXXVII.

Lamparter, Heinrich

Monachii, 1657

VIII. Potiorem esse Gratiam quacunq̃ue propinquitate Christi, etiam Matris.

[urn:nbn:de:hbz:466:1-46645](https://nbn-resolving.org/urn:nbn:de:hbz:466:1-46645)

CONSIDERATIO VIII.

*Potiozem esse Gratiam quacumque propinquitate Christi, etiam Matris.*

**L. N** *Usquam enim Angelos apprehendit, sed semens Abrahe, Heb. 2.*  
 Quid ni ergo superbiat terra & cinis? Deus omnes Angelorum ordines præteriens, nullius ex ipsis, quantumvis eminentis, non Cherubinam aut Seraphinam, sed humanam naturam assumpsit; cum hominibus visus, cum hominibus conuersatus, & homo factus est. Nullius iam infirmitatis nostræ, nullius ærumnæ nos pigeat, quando quod nos sumus, hoc Deus est. Pigeat potiùs, si possit, excellentiæ suæ Spiritus illos cælestes, quibus non datum est, fratrem & principem familiæ suæ habere Deum. Te, homo, Deus exaltauit super Angelos: tu enim cum Christo, capite tuo, iudicabis Angelos. Quis optet habere locum Angeli, si

D 3

possit

possit habere locum debitum homini  
 Potius Angeli ex eo tempore hominum  
 familiaritatem affectant, vt *Genes. 18.*  
 expertus est Abraham. Conserui quo-  
 que nostri dici, & haberi volunt, *Apo. 19.*  
 Prompti hominum speciem, & no-  
 men assumunt. *Ahuc me loquente in*  
*oratione, ecce vir Gabriel, ait Daniel c. 9.*  
 Qui appetunt nomina nostræ mortali-  
 tatis, num censemus eos refugituros  
 eiusdem ærumnas, pro hac dignitate, si  
 ita possent eam acquirere? Tanti fecit  
 hanc Paulus, vt etiam de Cruce Christi,  
 deque nulla re alia gloriandū putaret.  
 Veneremur itaque Caput hoc nostrum,  
 vt S. Chrysostr. *hom. 3. Ephes.* nos monet.  
 Cogitemus sedulo, cuius simus, &  
 quàm suspiciendi Capitis corpus. Re-  
 uereamur germanam hanc, atque co-  
 gnatam affinitatem nostræ carnis, cum  
 Christo contractam: & vt S. Leo hor-  
 tatur, adepti participationem genera-  
 tionis Christi, carnis renunciemus ope-  
 ribus. At ea tamen rursus coniunctio  
 cum Diuinitate contigit vni tantum,

de

CONSIDERATIO VIII. 55

de toto genere nostro, & à longinquo nos tangit. Possumus cum ea perire, possumus indui pedicis, præda fieri canum infernorum, præcidi à capite, illòque indigni esse. Gratia verò singulos nos intimè Deo coniungit; Deo ac tanto Capite dignos facit, ut Deum redoleamus ipsimet: Gratia nobis obtinendæ causâ, mirabilis illa naturæ vtriusque coniunctio facta est. Quæ ergo faciendâ hæc dignitas hominis, tanta Dei dignatione quaesita?

II. *Panem Angelorum manducavit homo. Psal. 77.* Multum est epulis accumulare diuini, vescique adipe & medulla Diuinitatis. Et iste quidem panis Angelis tantum est *panis propositionis*; eo tantum aspiciendo pascuntur: non subit eorum viscera; non miscetur naturæ. Homo illum verè manducat; homini intimè se insinuat in SS. Eucharistia, cibus eius effectus, admirabili amoris inuento: quo ipsimet ei sigillatim *concorporales* efficimur, ut loquitur Apostolus *ad Ephes. 3.* Magna est, si in-

telligent, olerum dignitas, qua in hu-  
 mani corporis transmutata naturam,  
 eadem vita, spiritu, colore donantur.  
 Quanta erit hominis, qui corpore ani-  
 moque saginatus, transit in alimenti  
 celestis naturam, & assumptâ Filij Dei  
 vitâ, & operatione, transformatur de  
*claritate in claritatem, tanquam à Domini*  
*spiritu. 2. Cor. 4.* Verè Deus est sub pe-  
 ctore nostro; verè diuinus sanguis mi-  
 cat in venis nostris; atque ille quidem,  
 si volumus, quotidie recens. Nemo ita-  
 que nos aspernetur; non tantùm affi-  
 nes iam Deo sumus per Incarnationem;  
 sed etiam Consanguinei; sed etiam  
 vnum corpus cum Christo, per Eucha-  
 ristiam. Rectè igitur monet S. Grego-  
 rius Naz. *orat in S. bapt.* vt, si dæmon per  
 cupiditatem, aut aliud vitium nos op-  
 pugnano, petat adorari à nobis, con-  
 stanter ipsi dicamus; *Christum indui sibi*  
*Christum transmutatus sum; tu me ipse*  
*adora.* Ita certè, veretur nos ille, si nos  
 ipsi dignitatem nostram agnoscimus,  
 & in veterem vilitatem non vltro de-  
 generâ

generi conuersatione redimus. Ad hoc enim Christus Carnem suam nobis dat in cibum, vt per Gratiā reficiamur in animo, spiritusque diuinos concipiamus. Quod si non fiat, nihil proderit nobis sanguinem eius gustasse, corpus sumplisse. Totum igitur hoc fit Gratiæ causā: tanti est, vt in Gratiā simus. Et quamuis videret Christus, quā indignè esset à multis in hoc Sacramento tractandus; quia tamen etiam vidit, quantum Gratiæ sibi alij per hoc essent comparaturi, neglexit suas iniurias, neque indignum putauit institui à se tam sumptuosum conuiuium: abunde compensatum existimans fructu dignè accumbentium, qui est Gratiā.

III. *Qui autem minor est in regno caelorum, maior est illo. Matth. 11.* Dixit hoc Dominus de Ioanne Baptista, quo quidem quoad munus à Deo iniunctum, maior non surrexit inter natos mulierum: non Moyses dux populi, non Samuel regum consecrator, non Dauid Rex & Propheta, non Salomon condi-

D S                    tor

58 DE PRÆST. GRAT. DEI

tor Templi, non Elias cælo dominatus,  
 non alius quisquam in veteri lege: ma-  
 ior omnibus dignitas fuit Præcursoris,  
 Et hac tamen ipsa maior est, qui mini-  
 mus in lege Gratia, infans renatus in  
 Christo, & Gratiam baptisinate conse-  
 cutus. Quid hominibus maiorem di-  
 co? non Angelica potestas, principa-  
 tus, aut eminentia vlla par est huic in-  
 fanti, si desit eis Gratia: hanc autem si  
 consecuti fuerint, pro nihilo reputa-  
 bunt portare orbem, præesse regnis, pa-  
 trare prodigia, & alia, quibus Diuinæ  
 potentia sunt facti participes. Quin  
 etiam plus audemus, Diuino testimo-  
 nio freti; & ipsius Angelorum Regina,  
 Matris Dei dignitati præferimus istum  
 infantem. Beatus vtique venter, qui  
 Christum portauit: maximum, & om-  
 nibus venerabile nomen est Matris: &  
 hoc ipsum tamen Christus, quia terre-  
 num, in comparatione caelestis propinqua-  
 tis, vt S. Augustinus ait, epist. 38. abiicit:  
*ac Materna propinquitas nihil Mariae pro-  
 fuisset, nisi feliciss Christum corde, quam  
 carne,*

CONSIDERATIO VIII. 59

carne gestasset. ait idem lib. 6. de *Virgin.*  
 c. 3. Quid ergo nobis magna nomina  
 inter homines? quid imperia? quid di-  
 uitia, pro quibus, legem diuinam vio-  
 lando, Gratiam Dei amittimus? quid  
 hæc omnia profunt nobis, si Regine  
 cali sua dignitas nihil profuisset abs-  
 que Gratia? si illa, per peccatum perdi-  
 tâ gratiâ, ignis æterni damnata fuisset?  
 Duplex in Virgine dignitas, & sanctitas  
 fuit; vna, quasi aliena, & extrinsecus il-  
 lata à Filio Dei, qui ex ea carnem acce-  
 pit, & habitauit in eius vtero vsque ad  
 tempus nascendi; propria altera, & in-  
 terna, à Gratia. In vtraque cum Deo  
 fuit communicatio; ibi sanguinis, hîc  
 Diuinitatis: in vtraque Dei contactus,  
 & inhabitatio; ibi corporalis ac tempo-  
 ranea, hîc perpetuò duratura Spiritus  
 sancti. Prior sanctitas secuta est com-  
 municationem sanguinis; at posterior  
 nobiliorem communicationem, Deita-  
 tis, effecit. Prior sine posteriore profu-  
 tura non erat; at sufficiebat sine priore  
 posterior. Multo ergo melior; & si il-



lam singularitas admirabilem facit, istam, cum tanta sit communio, facit obstupescendam. Quæro autem, si quis mysterij conscius (horrendum dictu) conatus esset Christum in utero Virginis veneno perimere; aut si ipsa medicamentis, noxiorum ciborum ingurgitatione, vel sola inedia abigeret partum diuinum, quid mereretur? Tu ergo, quoties ex alijs, vel ex teipso, Spiritum sanctum peccato audes expellere; cum occasiones peccandi offers, aut quæris; cum per omissionem bonorum operum, Diuinum in te foetum non nutris, vt extinguatur tandem, quo crimine condemnabere?

## CONSIDERATIO IX.

*Vi gratiæ subito aboleri  
peccata.*

*Hactenus de magnitudine Gratiæ: nunc de  
admirandis effectis.*

- I. **S***I fuerint peccata vestra, vt coccinum, quasi nix dealbabuntur. Isa. I.  
Magnum super omnia donum  
est.*